



PROGETU IMOI ETOTU 2

Ammentu se su de 82 bombardamentus de su 17 friaxu 1943

Su 17 Friaxu 2025 est su de 82 anniversàriu de su bombardamentu de sa bidda de Gonnos, de parti de is fortzas aereas americanas, chi at fatu giai centu mortus e un'àteru tanti de fertus cun pipius medas.

S'isbarcu Alleau in su Nordafrica, cun s'arribbu in su Mediterràneu de is fortzas aereas americanas poderosas, marcat una mudadura de sa vida in is popolatzionis sardas, custringas a patiri bombardamentus orrorosus fintzas me in is biddas de su tzentru de s'ìsula, chi si pentzàt chi fessint seguras, e genti meda si fiat fuida ingunis de sa costera.

Su 17 friaxu 1943, is bombardieris mèdius B25 Mitchell de su 310 Bomb Group americanu, de giai 12000 peis de artària iant scavuau asuba de Gonnos prus de 600 bombas, e 200 de cussas fiant fertas a sa bidda, e medas de prus fiant arrutas a is alas de sa bidda e acanta a su frùmini.

Sa bia principali e àtera partis de sa bidda, si fiant prenas de mortus, medas strupiaus e ingortus chi tzerriant agitoriu. Sa matessi cosa in àterus logus de sa bidda.

Chi pigaus a cunsideru is bividoris, su de Gonnos est unu de is nùmurus prus àrtus de mortus tzivilis in un unu bombardamentu a solu, non sceti in Sardigna, ma in totu sa guerra aerea asuba de s'Itàlia.